

靜

廉

齋

詩

集

靜廉齋詩集卷二十三

仁和金 牲雨叔

正月二十四日晚泊塘棲

庚子

迎

蹕紀初程河寬風亦順三舟同隊魚

時與余大司寇文儀錢京

卿琦聯舟

更迭後先進鼓棹若肩摩篷窗稀問訊踞榻得從

容新景靜中認緯道乍增修霞起長虹引蜿蜒方北首

遙接石塘峻夾岸列村居平田含雪潤春耕喜初動向

晚餘光趁銜山半規在紫翠巧烘襯煙林時映帶畫手

寫來僅短晷薄崦嵫吾行重發軔馮生依 壽宇當怯

乃逾振呼兒供夕餐酖顏掩衰鬢欹枕遂橫眠酒國征

途迅蝶翅繞家園梅梢探芳信夢斷訝誰驚鉦鳴棲水
汎

胃痛自遣

陽氣動而盈宿疾亦隨作

是日驚蟄

始若抱幽憂漸同遭搏

攫酒熱不能澆薑辣祇空嚼惟鹽堪制水燭熨敵寒薄

中夜漸調平困深魂夢惡兩日累餐眠指顧邗溝泊迎

鑾乃逾近衰病愁蕭索却憶乍隨圍此疾正爲虐天門

接石梁

記丁丑年事時正過南天門青石梁

驅馬凌澗壑今來泛安流如

跨揚州鶴

恩光方徧照春鼓元和橐一物荷天慈

定知占勿藥

渡江

江天一色霧茫茫珍重金山霧裏藏想得山靈應有語
七年三見渡江忙

謝未堂招飲謝公祠因游法雲寺覽古興懷率詠
志別

迎蹕有餘閒清談訪安石本是謫仙人應住康山側
相傳康對山招我隔重城移尊旋就客却愁居停主因
會讀書其上此少顏色公事正奔忙過家忘脫屣便援看竹例寧復
問相識選勝必清幽家祠裁咫尺支策任逍遙開筵倍
酣適酒杯澆壘塊懷舊轉心惻賸有雙飛鴻相望江南

北一朝得合并仍踐平沙跡飲啄喜從容何難永今夕
瞻雲知日近水驛籌如織殘年不容就冠紳須預飭將
歸循曲巷大署靈宮額仰止認東山真到謝公宅何年
捨作寺法雲開淨域雙檜尙名堂想像干霄碧千齡生
意盡補取孫枝植銀杏十圍寬空心雷火厄挺秀或同
時幸能禁剝蝕神物自攜訶終然被天澤況復託根殊
甘棠留召伯臨分寓珍重促別情何極

二月十四日上方寺接

駕卽赴行宮請

安蒙賞緞匹偕

臣

余文儀

臣

錢琦叩頭祇領訖遵

證回浙恭紀二首

香阜

寺名卽所謂五臺山

雲霞接上方迎

鑾道左觀

天光自

憐一日偏盲久遙荷

重瞳俯察詳

方免冠叩謁卽呼金姓汝目已

上

不見

在牧底須留蹇眇識途應念効騰驤小冠子夏從

今始借助勝將綬黻裝

行宮雲步石嶙峋可任趨蹌

清問頻眼暗已知登陞

怯肩差寧必侍班均

緣頭牌以次上

上閱至臣名以

目暗扣留俾免隕越聖慈體恤

至矣對揚本乏芻蕘獻寵錫同叨錦綺珍便作前驅指吳

越鄉音到處頌

恩綸

別三女

五月重相見猶嫌隔歲遲持家真健婦戀我即嬰兒北官

之女好護讀書種長懲廢學詩兩翁同屬望時素山亦接駕至

楊惟汝體含飴

隔省迎 鑾後家鄉本分存飭歸 君命速惜別汝聲

吞祝慶旋趨闕乘流復到門秋闈南北利侍膝蚤詳論

有令祖同隨余就試北闈之意

連日逆風戲作

歸程并日催顛風作力鬪仰空呼翼二一無乃太蒙瞶我

本慣占需遲速惟汝候 翠華指金焦今朝聽行漏十八

日也奇相戒天吳淨練不教皺汝亦效迎 鑾自前應繞

後長爲順流助功在清塵右如何久迷方連日常北首
銅烏向朱鳥迫令宛其味豚魚故無知誤逐汝拜叩六
龍方奮迅寧必片時逗汝實愧先驅厥罰且不宥騰輪
亟旋轉箕舌慎卷收瞬息簸揚停失職聊補救蓬蓬噫
盛氣誰與發汝覆盱嚮誠可通吾亦荷靈祐

詩成卽得
順風亦可

喜也

平望

風帆迎面到來疎咫尺由拳返棹初拋却蓴鱸將一月
未妨小住買銀魚

三月初四日慶春門外接

駕恭紀

並海金隄輦道平慶春門外 翠華迎豐亨順動資威

照解澤時行助發榮

夜雷電大雨
曉霽午晴

七萃雲披開霽景萬

年嵩祝殷歡聲行宮近在吳山麓紫氣東來滿禁城

初六日西湖行宮站班奉

旨在籍諸臣不必來此伺候隨掣膳牌退歸仰荷

天慈體恤感 恩恭紀

江城臨眺徧崔嵬行殿湖濱取次開萬騎盤縈隄岸密

九龍翔舞 御舟來迎 鑾仍附鴈鴻列逸老如頒几

杖回八日朝參容放懶 宸游天藻訪鄒枚

初八日

上幸淨慈寺拈香臣民祝釐迎

駕恭紀

壽詠南山藉祝釐 天臨佛國駐鸞旗香雲華海如來

現寶掌金輪帝釋持共仰能仁垂象教欽承錫福被

恩慈化成久道多耆耄文綺榮頒春服宜

是日有旨查七十以上

者頒賞
緞匹

十一日

頒賞七十以上諸

臣

緞各二匹恭紀

國老應先庶老班霑

恩奏謝叩

天關敢云名數符

元凱

與者十
六人

無假行藏問玦環拜起僅能寧鬪捷扶持

有待豈慙顏五峯遙對知相羨

南山有五老峯

人壽叨榮勝石

頑

十六日平望送

駕面承

諭旨卽回恭紀

吳山煙雨浥平蕪

侵晨小雨駕到時止

水曲重迎安福艫

舟名御

聖主不嫌勤跋履

微臣

寧敢避泥塗飭歸傾耳承

天

語瞻戀抒忱荷

帝俞便與東陽申訂別

沈雲椒侍郎分路返當湖

祝釐先後闕廷趨

補清明祭重告墓下

時巡職迎送祝慶叩 行在往復閱三時衰病恐不逮

春薦屢陳詞至情通愜優清明望湖山周匝期門隊松

楸一水隔何暇奉觴酌且認舊班行偃僂廁共內 聖

慈特優恤逸老命俱退不待越吟聞

上嘗諭余司寇歸越余遂遵旨

送駕至拱辰橋止

似憐筋骨廢三人昨同伴瞻送擬聯載疾棹

抵吳江泥首少朋輩 天顏殊有喜 溫諭促歸再川

途審行止遄返或無礙介 壽免趨朝先期嘗示誨任

職與休居剖析何待碎卽看行殿直旬假尙蒙貸寧必

度灤陽仍踰古北塞驚疴蹇且眇 離照悉情態將無

干澤巧藉口似忠愛守分息邛園秋清佛香爨如法啓

經壇堯天同頂戴輕舟遂迴颿咸拇輪良背到家急展
墓櫻筍配蝦菜抃舞告尊靈雲日喜頻對菲貢實慙顏
連翩文綺資平安更榮幸詎止詫耕耒初擬風轉蓬終
然機息礎從茲永相保宰木護新栽 湛恩幽顯破酒
進勝餐濯仰慰應有餘神游想纓佩南北兩峯間亭臺
添彩續

敷文書院開課勗諸生

天章啓秀萃湖山

湖山萃秀
聖祖御題額

教澤深漸文律嫻共許

筆精兼墨妙更依

聖域望賢關

上層供
並有摹刻

先師版位
聖像碑

鳳翔佇見凌千仞豹變先看露一斑

壽考作人掄選

密滿庭丹桂任高攀

講堂桂樹特盛

樸齋林翁遺照爲其孫衛藩

國翰

秀才題

我昔頻從赤岸游知公須向古人求卽今蟾影長留照

已隔清光五十秋

赤岸吾友錢中翰蒼益在培別號樸齋表姪也圖作扶杖立月下景

孝養誰如子舍賢湖山人識地行仙先生適興嫌多費

一杖裁教挂百錢

國翰父愷杼綸以孝行著聞

梓里朋歡奉杖同愧余蹤跡等萍蓬幸從投老瞻遺像
羣紀論交總夢中

余與愷杼別於丁巳今亦化去久矣

散卷示諸生

古人重德器學問徵威儀威儀以定命爰繫身安危衣

冠貴整飭敬慎惟福基執勞且毋袒何得輕褫之作達
遂裸露俗敗禍卽隨昨慕子矜盛短後俄肩差急裝從
役便故非逢掖宜雖云厲文戰寧必煩驅馳我曾託微
諷解人應類推今來日初上廣廈延清廳按籍授之卷
禮度期矜持白袍疑立鵠帽脫襟已披我方抗顏坐詫
爾還自嗤正如演村劇參軍踞牀癡聚觀無體貌掩髀
羣兒嬉吾鄉擅文雅修飾多溫其云何禮法地喬野忽
至斯我老不嫌侮臨鑒有 聖師 三朝勤樂育謨訓
長昭垂操觚得門入檢點防闕遺章身蚤屏棄相鼠忘
歌詩當暑服絺綌損益良有時終日必嚴飾不情安可

施鋪席偶蕭散淵魚不必知升堂始相見簡傲夫何辭
他年青雲上隨方擁皋比諸生有如此能勿指瑕疵責
人先選己恕道則已虧自反務進德介福神所司吾非
督苛禮攻玉傳良規

寓目有省

雨來簷溜急浮泡滿缸面潛魚如見餌掉尾趁旋轉不
知元是水唼之則已散辨味幸嘗新得失故參半劇憐
名利誇誰復悟真幻馳逐了一生何堪達人盼

會榜報到外孫汪如洋第一喜詠馳寄

風送泥金側耳聽名標千佛冠諸經劇憐舞綵依慈蔭

却愧傳衣自祖庭全力養成規重鼎神鋒淬出趁新硯
老夫喜慰仍延望瀛海鼇峯分外青

孫虛船先生遺照

取東坡詩意名記我今圖

泮沼從容同隊魚質韋雅集藕花居偶然數協瀛洲選
一半隨公上石渠

同盟十八人先後入詞林者九

科名鼎盛自先庚桴翼雄飛愧補鳴星紀一終重奉雉
門生門下見門生

姓王戊出房師龔醇齋先生門公丙辰典試湖北所取士也未句用裴臨

詩

霜臺風節敢輕論師範崇瞻在虎門願謝春華采秋實
一言養正探根源

秋塞頻年踵武隨雲盤仄嶺勢騎危僕夫失道單車覆
猶記扶輪復上時同扈秋欄出塞嘗上高嶺僕夫俱迷
路四散牲獨騎從公後車覆公不能
出牲與車夫
共掖出之

處膏不潤貴能貧閒借清吟浣俗塵廉吏肯爲身後計
萍蓬誰恤葛衣人公嘗典學中州列藩湖北然不名一
錢至今哲嗣尚之同珍旅食於外

昨夢回思六十年匏瓜霜裏賸孤懸披圖尙得瞻遺像
何事沈吟秋樹邊

聞 殿試報汪如洋仍第一喜寄二女并示潤民
當年會狀憐嬌女今見教成會狀兒應恨阿耶林臥穩
不來同聽句傳時

阿耶失喜更悽然我昔孤游劇可憐
說與外孫應感動科名一樣境天懸

飢驅展轉遠依人得意支掌僅一身
門戶有兄養有母羨他喜氣益如春

令名藉得慰家尊愧我平生志未伸
齒錄當頭標永感那能陟屺望偏親

少年容易掇高科心地宜淳古井波
謹守清操標峻望榜頭方不愧鬼裁

唐人干請狀元者謂之求鬼裁

棣萼敷華晚更繁雲霄接翼鳳鸞騫
聰明兩弟憑傳語那不埋頭書案敦

越窰巧繪狀元杯傳壻曾經持贈來首戴蓬山惜遭壓

佳兒繼志慰泉臺

狀元人仙之杯余得之莊滋圃中丞者康古登初婚余以其有異才舉以

貽之乃不於其身竟於其子此杯凡四歷狀元之家良可寶也

暮齒定居耽粉飾科名懸榜一堂高泥金報帖剛輝映

老子婆娑興轉豪

祭素山 一百四十韻

訂交自總角中年締姻親宦途數入離合老去同收身

亦知大耋近時凜風中雲何圖六載聚遽從十日分追

惟平生契知者復幾人我幸得後死哀辭隲寢門不然

誰敘述曷以曉兒孫戚誼溯本始葭李互依因派別兩

王氏式堂與陶軒世婚衍蘿葛聯絡我與君弱齡初未
識童試攢飛蟲君眼若巖電我時屬目頻不通姓名散
懸想欽風神陶軒母喪日君弔我肅賓儼然昔所見瓜
葛乃具論操觚仍旅進齊櫛泮水芹獨恨一城限未遑
邀定文我娶式堂妹君分爲較尊舅甥各有謂親紉友
義伸蚤聞四方志一舉期絕塵外廩養神駿馳騁慣習
勤小和獨往返深阻踰嶙峋慈親意不憚孤露千金存
頓忘垂堂戒斥賣敢弗遵却慮髀肉長攬轡殊逡巡別
院置木馬凌跨摹乘奔用意有如此邁往足張去軍燈
窗自抑首角藝思空羣西闌得復失副車魁等倫同年

重文望全墨憑選掄此風今久歇君特藏家珍寒穠旋
屈坐苜蓿滋苔垣菊妃兆益算養志亦可欣雨化三考
洽薦章騰紫宸捧檄遂西去延綬絕河津米脂實銀
夏於古鄰吐蕃政肅俾民服頌孚徵吏循華陰倚嶽麓
關門控三秦彈壓資健令邊才移理繁西陲連蜀漢有
時疆事殷循行雜導送絡繹忘朝昏日馳累百里捷足
超飛輪鄉里漸傳說阿母略得聞謂兒固不繆預解鍊
勞筋游刃轉餘暇河山尋脈根削成供架筆蘸墨洗頭
盆過客覽佳志金天疑可捫大府佇推轂微法方求痕
湔雪幸非久重守銓曹聞司城屬高選氣隨驄步振別

君廿餘載同領京華春敘闊且歡喜懷遠時酸辛君言
在陝日式堂適同寅彼今滯海外雷瓊渺無垠我亦話
使粵遙憑尺素陳幾時象錨脚一棹浮湖濱我方新買
屋無賴猶鴟蹲君來立斥逐快絕惟茲辰輦下旣繁劇
寬猛難調均無功堪補過宦海宜收綸竭來理鹽筴淮
揚財賦源宜風助解阜亦足應南薰鄉關接江介夢想
惟金萱板輿亟迎養觴挹流霞芬高年厭長道及此如
家園我遂無此樂歎羨增煩冤維時典學返停雲望秋
旻我女正及事君男復待婚同朝有小阮誦詩引絲繡
東牀延坦腹沼雁看雙馴爰與式堂子僚壻若弟昆迨

歸拜重慶治譜尋傳薪君性本恬淡祇期萊綵新處膏
猶避膩甘作曹郎貧雲司乍閱歲園扉仰平反我方戀
萍聚君已隨鴻騫北堂永娛侍褻封疊拜 恩式堂先
謝郡奄忽返其真君歸遂不見報我眉添嘆我復豫章
使乞假瞻先墳君時偶他出通波沿壑翻三年覲良覲
驛路紆歸轅家累晚阻凍遄迴浙水濱敝廬竟安在割
宅依重勢內主勝妯娌取攜聯悅紛起居問壽母闔德
稟厚坤春回荷津送邗江蹙碧鱗寄聲道珍重顧憐弱
女呻京邸幸相保南望時慙慙俄聞騎省戚閨中盡沾
巾 慈寧開壽域寰瀛會簪紳期君叩祝嘏泥飲連夕

薰征車徑夙駕寧親體推仁我意若有失終須同采蓴
彈指歲在巳扈 蹕行腰鞬先期尙入直危疾僵如柁
假滿因解職初服歸邛樊沈縣久留滯川途驚斬黿遷
延甲午臘裁抵杭城闔舊雨臘幾輩如齒多離齟陶軒
與君匹惟篋足和壚正應謀燕樂內艱君邁述母壽盈
九秩子久踰七旬於禮故不毀酒肉許入脣孺慕顧彌
篤飲泣聲常吞母願施去僧履積歲篋笥屯間關國清
寺山險窮攀援龍象亦垂愍孝情誰解敦行來轉臞瘠
親賓勸加飧六逸徐小集春秋具雞豚陶軒頽弁首蘭
厓躡履跟晚滋桐峯間君我參畦畛怡神欲忘死醉醒

偕醺醺竹溪風太猛卷籜俄高掀五年逝者半君復辭
埃氛今茲入伏久執熱憊且焚聞君時病渴但宜隱松
筠灌莽鬱成瘴詎可投深村悼亡周十載躬奠披荆榛
暑毒中藏府風露乘惛煩和扁嗣音少補瀉徒紛紜我
如浮木蟻往復愁沍沍握手不得語傷哉大限臻子姓
雖繞榻宦游先二荀次君助其弟案牘牛毛皺吾聳起
解印擔荷猶百鈞國事阻家事辟踊牒屢申後先遞奔
赴慈蔭迷靈椿瀝血復誰訴長慟號蒼雲我亦難制淚
寬譬聊云云阿翁蚤通貴中外嘉績蕃壽屆杖朝歲絳
老不足言若華折重茁五桂香氤氲孫枝且綰綬蕃衍

詩集卷之三
彌洗洗世德未有艾曾孫擁書芸凌雲應一笑無爲悲
鮮民我能體君意語比巫陽諄君苦耳失聰仙去定不
嗔覲縷席入聽難向他人詢椒馨惟享氣不飲亦空樽
八月十三日謹同在籍諸臣就佑聖觀經壇叩祝
萬壽恭紀二首

龍飛四十五年秋酉月冀舒象閏周祝 聖琳宮齊拜
手瞻 天瑞日近當頭裁迎游豫霑 恩溥旋慶豐登
錫福稠側聽步虛聲間作仙韶正演海添籌

春省鳴鑾江表纔灤陽望幸 壽筵開希齡中國
聖人紀重譯西天佛子來優老加恩免朝集傾心隨地

仰昭回祇慙催就鵷鴻列班次依然接上台

鬢沐自嘲

齒漸不穿頰辯解短於鬚還因未全脫癢發垢膩儲幸
有刮摩工能讀淨髮書微聞聲蔽蔽頂相現圓珠賸得
數莖在枯藤綴霜瓠重教具湯沐盤繞蚓結初厥大比
桑甚不足供鳥啄引及肩止垂之衣領俱衰同木葉
脫一月復兩梳從茲但閱歲僅存其盡乎無端自髡首
宛然黃面瞿顛毛失班序毋乃慙冠裾

書院重啓舊奉名宦神龕作

列聖重敷文 翠華先後莅大僚勤教育善體作人意

羣情感尸祝講堂陳版位晨夕一瓣香高山申仰跂何
年掩軒檻障之以書匱略同幽隧封竟作夾室闕我初
不省識寧料壁後置闔扇偶偏欹微窺殊愕眙側身排
闥入摸索暗中試肅容語監院屏當亟遷避豁然門洞
開重喜天光被再拜起翹瞻一一認名字見見與聞聞
事蹟類能記聲望旣崇隆政績復殊異褒然國史傳豈
惟郡邑志祀典雖闕如馨香在天地時俗多阿好那得
免濫厠節取或猶堪有舉無廢棄久遠忘去譏評冥漠
任惶愧就中最遺憾碩果獨不食叶高安文端公大儒
宣德施公暇進諸生從容親講肄爲國豫儲才春風借

餘吹泊乎正揆席尊師 九重備時當前庚子撫浙贊

文治卽今六十載後來復誰嗣我昔始觀場未通文字

贊仁宇固親炙累上德解詮次惟公不近名此座宜脫

屣祇嗟官闕簿失載靈光歸何當頌遺愛補奉拔其萃

仍參從祀例春秋常奠觶學官奉名宦原許 先師侍

尊賢更容衆培櫝亦養植誰歟有心人修舉明風義悵

望兩楹間俎豆猶虛器時方議補行 聖殿秋祭

溫補山常綬檢討榜後率諸門生來謁口占示之

操觚猶記始先庚周甲林居聽鹿鳴愧我蒿蓬安僻陋

荷君桃李借光榮淵源每歎山川隔小門生多在滇
粵閩豫等省 衣

鉢偏傳間閨盈細數上就中趨講席

在書院就余問業者得雋十餘人

故知針芥兩分明

榜後示嚴柴王姚五新貴

舅氏曾孫

嚴公溥

阿姊孫

王學增

從母曾

柴步高

元

柴廷

椒實

蕃三家奕葉衍靈根與吾女子

姚祖恩

總弟昆

祖恩與廷實自有老

親為同輩

科名聯絡戚誼敦更喜同出吾徒門主司言念君

子溫為我階砌移蘭蓀甥舅宛轉尋淵源老夫輩行不

加尊爾祖同儕我獨存今春會狀誇聯元

汪如洋

母教亦

惟吾女恩爾曹聲氣叶簾櫳天衢飛步追騰騫

課日同年寶東臬

光胤

宗丞自閩典試回排闥直

入劇談良久徑去走筆記事

故人典試七閩回我醉聞報更籌催凌晨適就書院課
呼兒肅謁邀徘徊松岡日上諸生集鍵戶題封効冬蟄
空山人靜谷神應平騶唱如將排闥入我思此局祇文
會過客暫通或無害啓關延坐就東房文堂鋪席魚鱗
妨別久會艱來不意意滿口重何由詳京華冠蓋忘名
氏但問同年復誰是星沈雨散總消磨跛曳僅存王芥
子太岳由漢爭如此地蘭譜繁爾我尙羸國雲浦棟鄭
潘降編修誠齋芥舟延贊善槐觀察孫未得暢留十日飲明朝何遽帆影騫奉
命駢征宜速去亦有咨諏不敢語臨歧結習且論文舊

識生童無一與

寶於丙子典浙學
距今二十餘年

祇將杯茗佐清談

物分貽重我慙便繞南山趨北郭西湖小住當

去

窮探

來不迎兮去不送一番良覲多如夢暮歸草草述成詩
北望長懷輒吟諷

培 先祖師宗公墓感詠

幼學誦詩悲馬鬣畢生託蔭兆牛眠却緣積雨松毬滴
漸失當年珠顆圓屈指首邱非遠日驚心修墓著陳編

阿瑛彌愧含飴報詒厥何能續祖傳

祖葬以康熙庚寅
歲解驂誰復恤親

喪與馬鬣易封貧范冉皆先贈公感慨之句姓六歲就
塾八歲而祖棄養三載中祖常親督課之方府君舉姓
時祖壽正七十有九今姓幸及祖年位未得孫欲如祖
之詒穀寧可必乎乾隆庚子十月二十五日附識

一月初三日三俊卽舉長男周建
距作詩纔七日也感荷祖靈并記

成山見賀得孫四首次韻答謝

抱送憑誰且莫論添丁聊足繼衰門
追思大耋承吾祖
得我排將第六孫

教子惟應遠顧廚老來漸恨嶧陽孤
含飴已分無何有
詒穀於今卽不無

祝願曾傳仙果遲龍門百尺幸生枝
從茲亦授蒙童訓
重赴鹿鳴洵有時

卜吉初聞舉重勝朋歡介壽誦岡陵
嘉占方喜燕翼振
餘慶長看螭羽繩

承并示龍井襄事一章因借以奉祝

捐置錢塘學明倫堂鼓述事四絕

爲賦采芹樂幾煩鳴鼓攻和聲應有藉化鶴久成穴

間姪孫縈入泮有欲攻者余爲赴學分疏乃見有架無鼓

制昉大昕徵升堂憑渙號矇眊奏誰調皋陶請重冒

籩豆忘去司存挈餅嗟假器勒款復題銘庶幾無失墜

祭器與鼓時有借者往往損失而此鼓實被竊去余因鐫刻款銘囑令釘鼓於架上附錄款銘禮重鼓徵斯

堂待升奉宣聲教士習振興乾隆庚子仲冬穀旦仁和金姓題下識私印二金姓兩叔朱文少宗伯之章白文

我原同梓里敢諉異膠庠必欲稽分籍吾兄隸此堂

仁和學大兄則食餼錢塘康熙庚子鄉舉閱今六十年後生多不省記矣縈爲余仲兄之孫其祖自庚子以前

卽分居餘杭至今不得占籍其見攻於此亦無足深怪也

飲酒賦詩轉語

飲酒當賦詩賦詩當飲酒不飲詩亦成何況旨且有苦
吟勞心神酬之不嫌厚必待補歲終心神辭去久飲罷
少吟聲如享土木偶所幸乞靈人無從責辜負且飲且
賡吟何必不千首且吟且歡飲何啻盡一斗願與詩酒
朋約法共遵守有客笑停觴惡詩遭覆瓿問卿每夕飲
頓頓有詩否無詞甘受罰兩卮酌盈手輟一還奉客卿
能杜吾口俟卿飲既酬仍請歌拊缶

趙綺堂

麟

上舍以和東橋看芙蓉詩見質書二絕

答之

倚樓人去笛聲終

名父天庚副車珍蚤世

雛鳳颺音百尺桐鏡裏

芙蓉供影照銀河秋漲一灣通

採香可待涉江無桂苑吟成錦障敷汎淥依紅看得意

郎君家近賽西湖

趙氏世居橫水步去東橋最近南上即所謂賽西湖也

靜廉齋詩集卷二十三終

靜廉齋詩集卷二十四

仁和金 甦雨叔

元旦

辛丑

又過五九太平春穩作新年
八秩人祝 聖幸能躬拜
起迎鑾猶憶領簪紳
儘教鳳麓迴翔慣
可待龍津變化
頻屈指先庚旋改歲
芹香初染泮池濱

康熙辛丑余始游庠

卽事戲述

元正例章服齋居侍遺像
金經授祖考默誦契幽響
香燈表精虔其敢委役養
時時起翦剔往復計尋丈
何緣忘去跬步一跌俯還仰
有扶應不嗔與影祇成兩
翻身

幸決起如馬滾塵癢不教兒輩覺省視增悒怏冠纓紛
待理女孫辨聰朗傳言迭奔問神色殊惘惘勞吾反相
慰控地慣飛搶內子解人意諧語資拊掌八十老衰翁
猶然工跳盪好趁著爛爛娛戲影堂上

輓信川

潮

弟

衰宗三壽兩同庚

與聖源弟俱七十九

一个何堪撒手行棣萼春

寒催暮景鵠原風急送悲鳴人間無路身爲患地下埋

憂氣自平

遺囑有恨事數端

大耄應知非遠別全歸先喜得佳

城已有葬地在松木場

青芝臨墓祭陳謝

似續驚心屢告虔錦棚初見玉芽鮮得孫已幸如翁歲
送老還思及祖年世澤餘滋禾有弟書香賸馥硯爲田
衰齡此外無他望長仰松球映日圓

普福嶺墓祭陳謝

桐孫初引一枝芳清露沾來祖澤長詒穀未妨遲又暮
含飴應示壽而昌支分幸得延三世班列裁看備四房
府君九子存大五六九四房五房久移餘
杭是日適來與祭四房字見唐書宗室表不識恩慈原
有待幾番申禱夢中忙

五寺橋酌殯宮作

幸得抱孫始裁通享祖誠幾年知送我屢禱定憐卿仙

果徵遲結秀枝待側生默申樛木訓蕃蔭及時成

卽事戒子

白屋倏朱門朱門仍白屋本自霄壤懸興替一何速稔
惡斯取災樹德乃致福惴惴保其身克家勤式穀
芝草良有根仙田播嘉種如何驥德稱生駒駕偏夢故
知紈袴習生小慣席寵清白猶失傳況乃本闕闕

周建百祿喜示兩兒

百福詩徵百祿因占將兩歲接冬春得孫恰喜年如祖
有子裁教望慰親一脈延來萬金產八旬盼到再傳人
老夫天假仍強健興嗣千文記尙真

得舊石筍一株立之喜詠

如從二酉山分得歸到平泉石少雙今雨兒嬉身較短

清波僑寄筆移扛

自湖墅移羊市街轉至清波門今始復歸

欹眠久矣同摧

柱兀立居然擬建幢舊物略隨風籜盡賸留玉筍映文窗

石筍尙有短者亦自茂承堂移歸并立於側感舊
示兒

石筍當年雙挺秀肩差那得鎮追攀寓居蚤別東西陸
得地仍連大小山已分評量踰尺寸幸因搜訪出榛菅
同根記取重扶植莫遣分攜似我頑

展墓感詠

坡上杜鵑花枝上杜鵑鳥見見與聞聞觸緒增憂悄却
憶五年前于役七旬了花魂不暇招禽言素能曉方去
蚤勸歸實愁歸信杳仍幸守松楸及時薦清醪傳聲猶
致警吾意更不擾應知九京聽亦免愁腸繞徹莫且言
歸送客餘音裊回首躑躅紅祇愧淚痕少

閏端陽二首

五月重輪夏轉長八旬六度閏端陽

康熙癸巳雍正壬子乾隆辛未壬午

庚寅

魚箋課寫傳先集

癸巳先公命鈔詩集內有閏端陽詩十絕

鶴禁賡吟

闕後章

壬午因

皇四子索賦

裁見開頭奪標捷旋邀

始作一篇庚寅闕焉

焚尾泛蒲香算來一一紀終相值

前此午閏疎者閱廿年始值密者亦在十年之

外準前例後

妄意如此誰復癡心借景光

八旬六度閏端陽首尾須教次第詳佳節始逢前癸巳

恩綸特舉沛科場

是歲恭遇萬壽恩科

誦詩聲律趨庭悟

時因錄先

公詩稍解聲律

競渡游觀逐隊忙從此兩經垂卅載萍蹤總隔

水雲鄉

已過周甲侍銀潢

壬午六十一歲侍直尚書房爲第六年

拜賜天廚角黍

方

糗形扁而方略如饀狀

屈指四番緣應教愁心再接溯遺芳

自壬

午書房倡和後復遇兩閏而履邸已薨逝

湖濱懶聽頻催棹洛社聊隨疊

舉觴自詡推排成舊物八旬六度閏端陽

因閏端陽追憶重值諸佳節

誰云佳節祇端陽推類重經誌不忘送酒白衣雙往復

乾隆丁巳丙子再遇閏重陽填河烏鵲四迴翔康熙庚寅雍正己酉乾隆戊辰丁亥四遇

閏七月輪端正元無匹霓舞清虛偶再張遇閏中秋祇康熙戊戌歲

耳獨有天中符六位引將化日慶舒長

喜三女至爲題采菽圖

毀齒遠從親京華僦居蹙花草絕嬉娛日隨兄姊讀六義詎全諳覆之則已熟彈指屆星終宦途占往復使車涖江左盡室浮輕舳官署映春園景物蔚雲族侍母玩琴書不窺凡卉木三年辭傳舍遄返潞河澳南北幾遭

迴爰協絲蘿卜送遠望魚軒勿煩躬挽鹿淮海古繁華

池臺勝畫幅女件事游觀花時謝徵逐一區幽圃闢生

趣寄葵萸疎籬懸豆莢時復掣盈掬眉痕犀角豐菽種有所

謂眉毛豆者以象形名之珠顆掌中簇侵尋將一二紀兒輩聯就塾夫

壻詠賢勞戴星時出宿鹽筴與河渠經營徧川陸持門

良有寄仍助義方肅母訓擬師專學殖觀成速正似藝

畦蔬及時邀滲漉上苑杏方紅庚子辛丑長男祖恩聯捷天香桂頻

馥次男祖同文筆挺拔詩賦俱工亦必騰上景色迭敷榮百果且蕃育今秋將抱

孫矣應識衍嘉生灌園勞僕僕憑將辛苦意借景圖采菽

歸寧鋪我几題字待裝軸我爲廣箋疏義深資式穀秋

實幸多收歲暮同蕭蓄飲水啜彌甘至味踰梁肉屬兒
作廉吏羹不厭野菽俾民耕鑿安半菽無嗟謫清白嗣
家風縣延滋厚福

寄賀守之得國子監學錄銜時在濟寧主任城講
席

古昔重高年虛銜時版授聊同賜民級不必於孝秀我
朝取士寬乙科積薪樵需次百里宰冊載僅得售吾

皇閔壅滯詔許別途就儻自量才年難與治民副京職
俾叨榮銓曹準詞奏民社信堪膺省分兼部候選政既
疏通書田皆晚收受職例如何引年階級贅九十逮六

十如辨鄉飲豆院府監寺間繁星附列宿閒員不妨冗
導壑清流湊科第縱稽遲章服蚤華茂從茲仍進取雲
路任翔走不世慶遭逢抃舞 主恩厚王郎昔掄元自

甲改而戊

戊子浙榜定
元旋改第五

逡巡踰一終金璞阻琢鏤千譽

寧屑聞充耳轉逢衰今年春闈罷曠典適邂逅瀝情俄
得請太學六堂筵雖無造士權已在廣文右我從初筮
仕曾奉上丁侑子今亦借徑指的苑同穀一名未足喜
千里勢方驟官忘冰署冷學稱醇儒富却憶破天荒先
尊語傳舊吾女侍翁姑悲喜應霑袖諒子猶此情詎嫌
吾語謬因風代書寄講席想輻輳正似南學開英英觀

齒胃佳兒復庭趨彌足勵堂構

外孫晉錫方隨侍

八十初度自序詩

有序

歲辛卯七十初度曾作七律二十首歷敘有生以來事
其題下注云他日兒輩據爲年譜本足矣旋以危疾蒙
恩予告幸延視息忽復十年兒輩以大耄難逢意存潤
飾開讌徵詩於是分不限尊卑地不限遠近情不限親
疎上自龍樓侍講之舊暨同朝同直前後輩以及門生
世好新從受業迄於親族在孫曾行者無不擘牋灑翰
用致介眉捧誦之次核實則慙生夸多則情滿流連往
復不免見獵心喜遂又作八十初度自序八十一章體

不更張數殊泛溢敢云相敵聊用自娛客有謂七十年
事盡於二十首中曾不嫌略今以十年之近曼衍至此
此何以說辱承苦詰竊有強辭前此廿篇正當隨

駕木

平

蘭退直之暇破帳孤檠斷續追憶無籍可稽粗

具睂目殊不易矣此十年來扈從出使往返周旋因疾
賜歸出處兼得 恩榮叨沐險阻乍逢旋幸迅埽潢池
生還故里卜居未定 國恤驚聞長慟

東朝還愁北渚兼程扶服泥首几筵

帝憫衰疲溫綸飭遣三年屏處 壽域宏開就日迎

鑾祝釐讚佛呼嵩抃舞忝預頭行凡 國家典禮攸關

皆草野謳吟備述因端臚舉詞豈失煩至若抗顏師席
遠語郊人鄉校分司士習觀感仰承文教敢懈提撕適
當特舉 恩科羣歸賢覃快薪樵之多積嘉桃李之敷
榮延及親知能無賞歎又況教尊

四聖瑞表三元而

牲

十上非勞一間未達自慙假借敢

望演承幸有外孫游登魁選科名可讓事業何窮蚤識
英聲還期遠到此則稱觴在列特爲勗德彌殷者也篤
老還鄉交親絕少二三碩果共飽風霜筆硯會同釣游
宛在酒杯多又茶話清閒杖履暫過不能捨去顧晨星
之未落俄舊雨之分飛痛入心脾何殊手足錄其軼事

示彼子孫寫我交情寧勝覲縷長於我者旣少愁遺一
飯愧先後生擬託更傷蚤逝仍費哀辭感慨詩盟因依
酒伴彌縫偏伍尙備兩甄假壯扶衰矜豪搨朽紀眼前
之勝事留身後之遺蹤和寡倡多自鳴自息山樞別集
遂復哀然矣寂守鄉閭沈吟禮俗維風未暇作室方勤
梵相傳自銀潢版位準乎繪像四時展墓廟祭惟均一
品刊碑 恩華式煥佳城地限容衛無施薄葬心安丁
寧是切平生缺陷情見乎詞若乃迂拙性成浮澆習異
得諸目擊未免神驚家誠具陳天倫首重詫居喪之背
禮託疑孟以刺心不憚斥言庶存清議蓋膠庠之設風

教所先嗣音濫詠於子衿倚席久徵於博士鐸緘金口
鼓化鶴飛安得不重飭韉人趣之陳篋鐫銘申傲愧厲
宜深況乃情殷逐欲守味持廉夙聞機變巧於賢經旋
契慚愧林於佛語援儒入墨審異致同儻可證明何嫌
傳會表章遺教道俗全提維彼蓮池已嚴棒喝若謬唱
宗風并迷色相必繙華藏俾識真參夫果宿植善根勤
修慧業忠孝所結金石同堅礱碣補亡永光法界願茲
迹象無益身心曉夜奉持頗勤禪誦神清境寂智慧長
含自葆性真上資冥福隨事有述不厭其詳於此重宣
聊同說偈觀空自適實際難周未死之身卽多未了或

疎舉火或窘誅茅或餘斜覆之衾或游將餒之鬼猶必
經營俛助跋涉躬親其有經笥紛綸騷壇詠歎變窮一
畫格備三唐幸則策府超登不幸則文房久鬱旣丹鉛
之屢校尤碑碣之留題咸藉歌吟用徵文獻更有潛夫
陰德惠逮遺嬰烈婦苦心孝成全節粉榆頌義彤管增
輝而志乘闕書旌褒例格幽光待發寧非舊史氏所應
載筆者乎吏重循良家承清白遠惟吾祖近則吾兄甘
守官貧蚤懲墨敗癡兒下第粵海隨流勇退有心帆迴
風掣屬余再使決計收身需次列曹承歡六載相將弱
弟混跡諸生料檢書倉纂嚴文陣其名不隕卅載期之

女子有行苑枯稍異並諳內則尤慶宜家翟弗夫榮板
輿子貴雖南北各依官舍而音郵時戀庭幃土物所宜
旣遙供甘旨征途所值亦暫得團圞有時詩以代書或
且弄藏草稿圖傳采菽式穀助成詠絮謝庭未須多羨
矣孫枝晚秀六象占坤文祿新裁一索啓震當後庚建
子之年如先祖得余之歲晬盤未設壽讌將開欣看百
尺初榮又報側生一樹昔人恐遂無此物今我乃連掇
雙珠是猶嶰管和鳴綏桃並蒂颺音入座獻果當筵雖
嘉賓必爲大白飛觴在老子能不長謠拊節乎卽席引
年居鄉尙齒試詠作朋於三壽僅推祭酒於一人在座惟吳

昆田前輩

長余一歲杖倚玉鳩屏開金雀天香正馥壁月方圓回

首流光關心佳節未得佇逢雙甲子已曾六度閨端陽
因類迭推宛然可譜固遠慙薊子訓之摩銅狄亦殊勝
絳縣人之在泥塗矣快意之餘不無夸大縱筆所及抑
有據依昔司馬馳騁千古孟堅纂輯一朝而彼略此詳
爭奇媲美僕誠妄發擬不於倫子必深求請以此解客
曰是則然矣八十篇必羸一焉何也曰八者陰數也數
之成也一者陽數也數之始也以地八集其成復以天
一開其始而九九之數陰變爲陽成者浸長而爲生矣
顧不盛歟客乃俛而思仰而笑曰吾固欲爲子迴其瀾

也今且反爲子討其源也汨汨乎其來也如川子壽其
未有艾乎存以待續於十年後可已余日有是哉姑錄
之以爲八十初度詩序

七十猶爲扈 蹕行木蘭秋興述平生語繁未悉當

去

年事境過尙餘從役情謁聖昭虔侍東觀禮神告慶賦
南征皇華積歲馳驅慣銜命常輕萬里程

羊城卅載續前游浴日虛傳海鏡收僅見韓碑摹刻本
補聽元製漏壺籌歸裝不益一肩重公讌無踰三宿留
最喜望洋成後集漁洋尙許再賡酬

癡兒捧檄傍滇江星使飛臚趁急瀧直待祥飈送蘭桡

始聞鄉語透篷窗
官衙仍隔雲山障
離緒遙傳煙水邦
欲度嶺時愁遽別
顧看清淚總垂雙

去時殘臘返清和
百日餘將兩日多
瀛海計猶勤趲驛
山莊聞已待連珂
瞻雲溫旨兼程速
晉秩恩綸三錫過
裝束不教全解散
塞垣彈指聽鳴駝

金書寶軸五花鮮
竊擬貤封四代全
豈意積資兼賜級
已參極品備榮先
微忱展轉慙無地
特奏逡巡寵自天
遠道歸來增感涕
恰容泥首玉階前

頻將矍鑠據鞍誇
墮馬依然不就車
別向仙園陪扈從
更趨行殿觀光華
國醫蚤聽傳呼急
天語躬承撫問

加自分捐糜何足報藉詞休假課程差

晝接遙傳未及知已依廣廈隔彤墀
皇孫內直驚相告禁地旁通幸不遲
爲準急宣憑引導更憐跛曳與扶持
星宮若少飛光照三節誰承咎可辭

容臺講肆兩班聯承乏偏於鶴籞便
秋獮解嚴催入學春卿留直待賡篇
慈闈輦駐文孫侍內苑書陳舊傳
專旋奉安輿歌至喜東曹仍見賸間員

先公手澤留鞋拔膝下周旋在我前
久駐熱河忘自檢遄歸寒夜愧相捐
重來試訪遺金處舊館陳翁返壁全
歎息淳風良可表有詩恨未誌中傳

歲行在巳七隨園午節過來候六飛暴疾顛連衝曉霧
羸軀潦倒觸天扉奏陳緩應鳴鸞響 恩重全寬老馬
韃伏枕私門瞻送隔劇慙偃息闕廷違

藥裹勤煎病欲蘇尙期強起策疲駑感時蚤覺三秋到
請假旋看百日踰未便乞身忘黽勉正應解職敢踟躕
天慈徑許歸田里蕭灑還同賜鏡湖

買舟河凍待春融小復遷延五毒攻藥石前時滋內熱
癰疽爾日欲中通朋來輾轉談何易夜靜呻吟夢久空
此疾重嬰偏較劇歸魂竊恐恨無窮

閒身淹滯隔年賒一事關心獨歎嗟同邑公車無別館

觀光旅食寄人家且憑縣力錙銖倡頓感鄉情什伯加
有米可炊便臥理不留餘憾出京華

轉瞬中秋月又明胄筵惜別有餘情贈言無待王尊慙
辭艱還踰疏廣榮遞染仙毫錫家寶普資佛力護歸程
敢希帳飲東都盛猶喜生徒餞送盈

京邸仍看二女留短長程送淚交流晚聽絮語停悽咽
靜訝篷窗警鬱攸遠道倭遲唯怯阻浮家踰蹙遽牽愁
津門急足催回棹半月徬徨滯泊頭

神兵電埽逆渠梟軍令催行敢駐橈夾岸分屯餘獮薶
穿營屏息絕譁囂鼙頭特起磯空峙雉尾橫飛炬總燒

同隊魚驚幸重聚中宵風聽尚巖鐮

從夫有女寄維揚傳說淮黃決舊防身在險中何暇問
心懸死地每如狂清江瞥見來迎蚤濁浪還聞趁渡忙
涕笑一時旋并集更生迭慶解迴腸

風水稽牽又漕艘金山乘暇得游遨跛牂踳蹶巔能防
醉象低迷禪可逃放眼居然盡空界安心自覺少驚濤
輕舟久泛江南境鐵甕高城外捷牢

潮送京江入晉陵龍山雪接劍池冰親朋疊抱凋零痛
莫醉時看涕淚凝黃口疹消方斷藥素衣色淺更裁綾
不須收骨煩湘到款語蟬聯共夜燈

東南誰復主詩壇
帆指嘉禾興漸闌
一代高名同供奉
千秋知己兩文端
乘流正遂還鄉樂
茹歎非關行路難
前輩風流垂欲盡
吳門咫尺重回看

金陀遺址認蒼茫
倦圃仍留翰墨香
吾輩未酬傳硯志
外孫還守讀書堂
幸依阿姊連枝近
苦憶偏親兩地妨
侍語亦看頭角異
豈知雲路便騰驤

家山失喜望皋亭
騶從傳呼故里經
蒼髮尙知憐獨客
白頭爭羨返雙星
公門折節修民禮
墓草披根徧祖庭
入宅恰逢應祭竈
殘年五葉剩枯冥

親族元多暮景催
飾終如待我歸來
新春宜賀偏煩弔

老輩欣存旋報哀本自達生無忌諱那能告急不驚猜
更當度歲增奢望但買平安莫惜財

七代先塋聚北山山南風樹近追攀高岡似聽呼子弟
淺土懸知待老鰥歲暮展誠魚菽缺春朝薦饗涕洟斑
從茲墳墓憑長守幽顯銜 恩在放閒

由來祭掃僅冬春自夏徂秋禮莫申家廟必哀知忌日
墓田如避不祥辰鮮民奉諱方投隙特舉隨時偶適均
追孝繼今惟考妣參詳疏數善遵循

香火因緣藉乞靈媿無專廟薦芬馨先人久許分神座
支子何須泥禮經蠲吉告虔崇妥侑糾宗飲福仰儀形

芝臺奕世憑依在重得如陳家誠屏

湖山始得寄游蹤密戚陶軒對倚筇十載別離寧久待
三年期約竟相從弟兄輩行存元少詩酒賡酬興轉濃
六逸八仙徐應和漫誇洛社赧衰容

省親親省記詼嘲度嶺端相促打包所幸危檣踰渡海
也同倦鳥望歸巢抽身較易惟清白返顧應知自草茅
需次有期容侍養三公不換古人教

堂開鳳翥我生初家運滄桑少定居今雨三遷常泛梗
晚年再徙穩懸車兩椽分署當時榜一室收歸異地書
旋馬未須慙湫隘卑棲正可謝華裾

褒封四世荷 殊恩一品碑
鐫樹墓門兆域毗連嗟偏
仄絲綸辜負慶便蕃奠觴但稱雞豚供拓地誰容羊虎
蹲屢顧兒曹含淚語他年葬我更無論

塵封五紀舊簪簪二度榮膺 國慶覃幸脫牛衣君蚤
逝未更象服我滋慙重泉品貴憑遺挂同穴期賒滯獨
龕時制久過催治木試從鬼錄爲先探

人間舊物久推排僻見常嫌與俗乖敢擬儒宗談道學
且編家誠寫胸懷引斤自有柯爲則刮垢還期鏡屢揩
數上策偶然符大衍知非詎必不言佳

佛地誰云負隔凡蚤探華海徧經函前因喜涉塵緣淺

結習難將綺語芟并汲已容操短絆馬疲更許脫重銜
卽今慙愧林中住何減菩提宴坐嚴

櫻鞋箬笠與蒲團動息惟求心可安虔誦金剛參別本
廣宣遺教爲重刊蓮池蚤示真宗切筏喻元知性海寬
但得杜門同結制翛然禪悅養衰殘

上元長樂進春卮一夕金根展駕遲蒙被 慈恩惟雪
涕慰安 聖孝更星馳征途頓覺徽音遠哀輓曾聞彤
史遺德福兼隆邁前古可容蠡管綴蕪詞

三旬扶服久稽程祭禮方逢雙月成容衛參隨欽孺慕
几筵號慟感 皇情 溫綸恤遠催歸處上幣叨恩愧

寵榮回首瑤池共西望霞開織室正高擎

風聽如聞少海波重尋履邸慘經過木心本自同繩直
玉質偏能受石磨抱痛含飴襄禮瘁易名錫諡沐恩多
寢園追憶耽酬倡廿首哀吟當輓歌

榮邸詩文劫火燬焦桐贖稿出窮檐鴿原徵啓勝懸購
鶴禁亡書聚典籤尙有竹窗遺冊在總憑桂苑勁毫拈
象賢珍重方郵致石墨鐫華榻本添

銀潢衍派自中官進德偏因憂患攻廣輯國書臻大備
待從館譯考旁通當年妙篆龍鸞舞此日遺音笙鶴空
辱贈遂占平韻徧索居展帙嘯悲風

夙欽師範補亭嚴仙境分風遂引凡褊性有時嫌聽藐
淵懷微似訝言僂道存養正心仍協別恨拘幽手未摻
天鑒始終嘉保傅我來長慟退思巖

龍樓久隔虎閭深棟夢霜侵涕滿襟焚帛奠終纔捧袂
攀鞍語斷總傷心旋看中使羅筐篚復有良庖漑釜鬻
惆悵皇孫獨垂訪直言舊帙憶徵忱

同年飲餞已晨星此會都如激水萍國恤豈容耽笑
劇歸心亦自怯稽停相期暮景全貞操不愧師門被德
馨臨發傷車徒哽咽昨來餘淚又交零

一女南旋一女留行來半月藉停輶仍依舊宅安棲息

何減還家享膳羞卽景關心增愛日征途近熱勸交秋
尙堪跋涉隨寒煖有弟扶持慰姊憂

輕颿裁挂越維揚長爪仙人返舊鄉便挈外孫趨試蚤
補行先壘薦馨忙七旬于役方成禮四載投林更解裝
去日仲春歸仲夏門懸蒲劒記端陽

軒紀重庚七十春東南五度慶時巡鑾江久以迎恩
著日馭恭承顧問頻越境本期參法從前驅預遣候
清塵捧歸賜幣聞鄉語羨爾先叨內府珍

先河後海閱金隄紫氣東來綵仗齊萬壽無疆嵩祝
應太平有象郭門題行宮尙得聯紳佩菲貢還容廁玉

犀三日朝班重列侍依然待漏警晨雞

豫游移蹕就湖山逸老加恩許退閒側聽拈香臨佛國
蠲誠祝慶覲天顏生成總被栽培德錫予仍超粟帛
頒越日宮門謝宣賜頭行商皓遞追攀

南山講肆和松聲浙水敷文賜額榮蚤荷龍光垂
遠照任教馬日運偏盲奉香中使憑登陟召試諸生減
送迎雲漢爲章兼五色佇邀重幸韻全賡

柳岸鸞旂駐浹辰淵旋雲被藹餘春擬因銜尾星陳繞
覲得先期壽域臻犬馬戀深偏邁疾朝宗波順似迷
津吳江水驛天光近準勅歸休理釣緡

送 駕初歸藝苑開高山仰止 聖門來黌宮未獲勤
瞻謁講席常依慰潮洄 壽考作人欽世德文章報國
藉英才首成四韻諸生勗試望奎光燭斗台

考文自昔驗書同宜辨形聲點畫工誰遣命名冰作水
或傳釋地紂音鯢亥身須識六皆備馬足何容一不充
楷法更參千祿體穩看對策大廷中

功令裁詩入韻分規橈元只是時文不煩灰向陰何撥
未暇香從班馬薰繩墨但能如我法指麾自足張吾軍
莫嗤毫及言多謬吉士三科教習勤

聖域賢關許曳裾 奎章懸象煥雲書應思朋友威儀

攝寧與鄉人裸袒居愧我未諳沂水趣怪卿都似竹林
餘解衣槃礴殊豪邁涉筆偏多閑蟄如

夏秋彈指卽 恩科多士雲翔入禮羅敢謂庸師能講
授恭承文教久漸摩地靈秀發知迎輦 天藻輝煌引
載歌珥筆舊曾參潤色松岡竊擬頌卷阿

門生門下參差見爭似鄉園一榜登舊徑蓬蒿已霜老
新陰桃李忽霞蒸講筵未免殊榮悴名刺方看有降升
笑語主文鍼芥合元魁位置貫如繩

文采流傳徧外家新郎君到藉增華母姨舅氏秀脈衍
姊聳女夫清貫加四姓五人聯指屈一門雙雋遞肩差

老夫戚誼元踰等添敘淵源信可誇

閒邀酒伴訪花蹊今雨憑教舊雨齊爲惜勝游隨席散
每逢高會擘牋題拙書尙作蠅頭字陳跡還留鴻爪泥
祇覺千齡同逝水轉從歡賞博悽迷

流景俄看逐斷雲五年七子唱秋墳絲蘿正擬松枝裊
筆硯空懷蘭譜薰未必夜臺欣聚首可堪塵世愴離羣
哀辭多少何須論縱有千篇總不聞

定文蚤識積山歸風雅兼承指示微遠到期看霄路振
菲材滯待露華晞雲龍追逐關心切谿隴東西涉足希
折輩行慙呼二友感懷知己重依依

鋤經倪氏滙崑渠編錄良多未見書藝舉一端該竹素
象宗四尙闢菑畚登諸天府陪周典副在王家重魯璵
自託侯芭爲誌墓武林耆舊認幽墟

東壁才豪命不齊服官中外總栖栖禮精自足芟艸蘄
詩好何曾壽棗梨惜我爾時遲獻璞幾人當日共探驪
江聲有集留灰燼光氣先騰延閣躋

密戚深交周晚菴讀書叢碧警晨鐘寧知玩古偏多悞
賸有藏珍不足供江左秋風愁訣別湖南吉地并開封
孤兒遠贅踰嚴瀨埽墓仍須付老慵

甥舅遙憐萍梗蹤灤陽旅館幸重逢幻形負米圖持鉢

喜訊參禪聽打鐘豈意隔年旋永逝却從歸里慰哀悰
卽今地下承歡近桂馥芹香啓秀濃

鄉閭喪禮詫荒唐中外都如制淚藏苦次乍看殊闕寂
總帷欲近轉徬徨呼號間作差相稱真贗憑參不必詳
詎可頌言名教累詭詞疑孟託詩章

錢塘學古明倫重警衆憑將教令昭鐸振有權從樂祖
鼓徵息響失皋陶何人解惜鷺飛遠伊我猶思鰾腹調
復恐轉移無辨識曲施鑲鈕鍤銘標

賢聖翹瞻五十三善財童子得真參華嚴歷敘都無缺
道俗虛慕總未諳重與繙經疏實相不辭作記表精藍

淨慈從此添靈蹟往事湖波足洗慙

禪縛寧堪盡解條宗門失鎖律門牢老僧懷德修持密
淨戒探微纂輯勞嗣法遽看隨蛻化再傳彌覺怯肩挑
曾經草序勤提獎何日刊成慰鬱陶

金剛古本貞珉勒殉節王丞爲母書忠孝克全增勁正
珪璋有缺惜齟齬補完藉手求儒彥薰沐皈心返佛廬
信史摘來兼跋後鄉先生事足長歎

育嬰堂設正同街薄暮局扉得泣哇應識彼中多天死
特於我所強投懷捐錢不惜無名費寄乳長資殉舍娃
此事陶軒陰德厚合從行狀細編排

老友固窮憐夏馥天教著代健持門撫孤終養婦兼子
失嗣移塋祖及孫勵節已全徐引決附身無累豫遺存
格於成例虛旌典舊史題碑慰餒魂

元正獨侍影堂前失跌還同拜起便聞說槐塘老徵士
也隨酒甕學欹眠精神足恃都無恙兒女虛驚亦可憐
大好詩題供試筆飛牋倡和始新年

東牀俊逸限詞垣繼志欣看有外孫步上蓬瀛方接武
榜開會狀更聯元潔餐虔奉陔南膳愛日分依堂北萱
賀客不須推宅相我時永感負親恩

巍科似足傲江南三起輪他竟疊三文運重熙裁得雋

平塗一蹶敢相參正應預辦鹽梅用莫便輕將溫飽耽
喜見假歸同舉觴送行舊句囑勤探

聖壽先迎 法駕臨還申屈節祝釐心鳳巢振采元依
閣鶴頂披丹亦在林蓬閭真宗傳秘籙雲霄樂部按仙
音嵩呼祇愧居班首莫奉霞觴拜手斟

平生佳節記來詳按節徵年算轉長獨有桂輪重一暈
不教霓舞疊三章兩番萸佩浮觴馥四度針樓乞巧忙
僂指未經開九秩探支八十六端陽

八旬垂及迫含飴坤六符占女當兒自忖孫年如祖日
儻同祖喜得孫時穀詒有待承先裕慶積無嫌啓後遲

小試晬盤方點綴桐陰又引側生枝

杖鄉杖國虎門趨墨荷銀潢筆瀉珠蒲柳久衰行待盡
瓊瑤餘潤尙濡枯三霄瑞露誰頻挹十賚靈文幸許摹
間鄙傳聞多動色如斯屏障見來無

瀛洲前輩冠羣僚同直同曹盡珥貂後進率先門下士
新詩齊應曲中調發攄肝鬲神交在印合襟期古處標
獎飾較多惟勉副敢將晚節歲寒彫

小堂非復舊衡茅雕藻輝煌綺繡交卽日賓朋筵待設
先期童稚鼓催敲駢剛索乳蟄方動周建僚人鳥始啁
顧語兩兒頤欲解此聲何似聽絃匏

當杯漫說海籌添殘日侵尋已上簷遮眼且留書壓案
避塵行待鏡歸奩樊劉作劇徒虛幻梁孟相莊詎久淹
也願同巢俱共命人間那得有鷦鷯

連旬觴客厭撻撻退息幽居掩竹窗障壁騰光舞鸞鳳
贈言送馥勝蘭芷引將技癢髭還撚不覺心粗語漸噉
正恐叩殘囊底智適教才盡共嗤江

周衡齋夫人屬題施靜波

養浩

畫簾

畫寫王摩詰
柳塘春水漫

花陽夕陽

遲詩意

詩中多畫意絕景不可畫自非深於詩孰參無色界妙
哉嚴秘校俊語脫天械坐令劉長城

維與劉長卿善
此卽答劉詩

失

氣噤弗噫西髯詩畫禪毫端滋沆瀣引作柳塘游如被
斜陽曬施宿注蘇詩神解無此快我嘗寶名蹟巧偷忽
不戒誰歟別藏弄林下老簪齡衰年幸重見感舊增歎
喟衡齋嗜詩畫題跋勝金薤鴻爪少留痕愧余同壁疥

送句山前輩葬

辛卯書堂別

時輓詩借用少陵陳公書堂語

於今十一年衛生忘勿藥

誤服他症舊方致殆

戀闕失歸田

以葬假歸擬不復出需祿贍貧未補而殤

白打誇酬

倡與余倡和常至十餘疊其打字韻詩最多

青山認陌阡神游佇相逐風馭

勝湖船

質韋十八子孑立動長嗟

自康熙再壬寅與君輩訂質韋集文會於藕花居今獨余

在吉地尋蕉石

墓在丁家山爲蕉石鳴琴景

前盟憶藕花移燈廣廈

近

同直十餘年

聯騎塞垣賒

同扈從行園者三次

知己成千古誰堪話

舊耶

聞姚聳晉年

思康

地封長兄

思本

得請作此志愧

原鵠先後結哀悰錫類推恩曠代逢自愧受書登上第

適逢解組限地封田荆尙見枯枝茂寶桂難分湛露濃

他日泉臺望賓雁可能叶響聽離離

用舊時孤雁賦結句意

上元後病起補詣兩山展墓感詠

壬寅

逼臘沈緜極開春祭埽艱非無兒可代只似禮從刪偃仰增心痛扶持忘體孱墓門重叩叩淚點賸斑斑也識

歸神近還愁卜地慳生存便平展視冥漠窘追攀聊趁
桑榆景常依松柏間清明猶隔月遲待轉慙顏

茶僧有序

宋方岳有茶僧賦大旨似謂挹茶之瓢特結句有精研
字韻府引之則以爲研茶所用今之茶潑而不煎挹與
研兩無所取但以雜入之茶子浮懸湯面者呼爲茶僧
聊詠八韻因以考異

醍醐凝雪竇禪味付單丁暫借天瓶滴聊呈華海形俗
流嗤水厄譯義補茶經已悟浮漚散還同托鉢停木杯
憑泛泛蘆葉仰亭亭證果元無著探春應有靈不隨船

子化常送趙州馨泡影何須戀催教甘露零

三月三日卽事有懷

乙亥督學江左是日曾有詩云上巳風光寄水涯姑溪東

望客思家懸知三藐渾無事小摘階前薺菜花
蓋二十八年矣

三月三無踏青興空齋靜坐聞呶啞二雛爭就阿翁抱
頭上低垂薺菜花曾向姑溪憶三藐於今相望又京華
其兒大者欲成立而我黃口纔含牙光陰易過近卅載
攀芳此日同天涯膝前且得各娛戲爲檢舊詩重歎嗟

輿沙前輩招集小山叢竹齋

曲檻迴廊碧樹多小山承蓋喜重過清和節近疏衣褶
櫻筍筵開卷酒波晝永不嫌春晚晚興酣如欲舞婆娑

庭前生趣新陰滿松上垂枝綴女蘿

時方與令姪希南
杖編修議姻

戲寄馮芍渠親家

昔我過淮壖駭聞君已死吳門重握手笑口兩俱哆有
詩慶更生死籍從此燬小別將十年惡耗復人耳前言
出怨家今自舊姻起後事備處分徬徨無乃是我僕走
蘇歸始知仍弔詭回思妄語者掇禍旋尸市孽雖別有
作造謗鑒宜止密戚締絲蘿詎有效尤理君應概不校
我亦徒苟訾卽事良可欣陰陽機伏倚人世預銷除泉
臺網隨弛君前遭詬厲今已延一紀准此引而長益算
無窮已更請印前詩息壤盟在彼

卽事

夢繞蒲魚藪澤間
龜兒誰送瓦盆寬
童孫不解翁翁病
牽手仍邀出院看

入夏小言十二絕

梅雨暖於蒸熟物
不教死蠹蠹滴翠珠
化爲黃彈子
百卉正蕃滋
薺麥獨枯悴
陰氣感先成
却喜天年遂
蠶市催香市
湖山始讓還
吾曹看新綠
清景得蕭閒
吐絲給君衣
遺蛹瘞埋得
椒鹽助芳馨
君乃復甘食
燕巢幾黃口
望哺愁母去
爲有放生人
捕賣不知處
櫻筍開筵便
江鄉鮭菜儲
如何杜陵叟
偏厭食黃魚

鱗魚爭一尾重購獻台司記得萬羊盡誰知禁絕之
復育憑朽質蛻甲吟風日應識龍沙中自有地仙出
么膺若蠱蠅撲緣伺放誕天意縱其生似嗔常裸袒
飲食有由始終年角黍陳龍舟應喚醒誰復憶靈均
陰盛鬼乘時人衰愁鬼弄治鬼憑鬼雄比戶鍾馗供
五毒得時逞避之猶恐臻如何工肖象偏遣集滿身

病

八旬羸一歲四月病三回箔上方成繭林間漸熟梅行
期催陌柳生意顧庭槐詩酒餘殘興還留過客陪

過客謂光

陰也

靜廉齋詩集卷二十四終